

՚ի Բենեճիայ քաղաք Ակուլիոյ՝ յերիտա-
սարդական հասակի:

Փիլիպպոս առաջին սկսաւ յամի Տեա-
ռըն ՄԿՕ. ինքնակալեաց ընդ որդւոյ
իւրում Փիլիպպոսի՝ ամն Գ. ամիսս Գ:
Սա առաջին եղև ինքնակալ քրիստոնեաց,
մկրտեցաւ ՚ի Պետրոսէ Պոնտացոյ մար-
տիրոսէ, հաստատեալ ՚ի Ֆապիանոսէ,
պապէ ետ մկրտել և զորդին իւր. եղեն
երկոքին ընտիր քրիստոնեացք: Եւ զըրդ-
մամբ Գեկոսի՝ որ զկնի սոցին սպանին
զհայրն ՚ի Հոսմ, և զորդին ՚ի Վլիուն
քաղաքի. ՚ի սոցին ժամանակս լցաւ հա-
զար ամ շինմանն Հոսմայ:

Գեկոս սկսաւ յամի Տեառն ՄԾ.
ինքնակալեաց ամն Գ: Ազգաւ բարբարոս՝
ժանտ և ատեցող էր աղքատաց: Սա Օ.-
երրորդ հալածումն յարոյց ՚ի վերայ
քրիստոնէից: Ի ժամանակս սորա բա-
զումք կատարեցան վկայութեամբ: Ի